



Editorial

ZONUN ZE MAWI
‘Zonun Ze mawi’ tih hi tawngkama sawi fiah emaw hla hmanga sak fiah chi niin a lang lo a, a nuna nunpui tur, Mizote chanchin hriattheih chin ata tawh kan nuna bet tlat a ni. Mizote thuka khawtlang nun tha ngai pawimawh hi khawvel hnam hrang hrang zingah hian an awm pawhin an tam kher awm lo ve. Chu khawtlang nun tha nei tura kan pi leh pu ten an lo ngaih pawimawh em em chu zonun ze mawi hi a ni. Zo nun zemawi hian ken tel a ngah a; huaisenna, tlawmngaihna, thuawihna, hawihawmna, taimak, intodelhna leh a dangte.

Hun inher danglamah mihringte pawh kan danglam ve zel a. Kan nunphung leh kan khawsak dan chenin. Tunhma a Zonun ze mawi inzirtirna ber thin ‘Zawlbuk’ a awm tawh lova. Nun dan tha inzirtirna kha thiamna leh finna zirna hmun (formal education) in a rawn thlak ta a. Kan eizawnnate inthlak chho in kan hahdam ta hle mai. Chutihruual chuan kan khawtlang nun phuarkhawm tlat tu ‘zonun ze mawi’ erawh a dal tial tial emaw tih mai tur khawpin kan khawvel hun hi a danglam ta hle mai.

Zonun ze mawi hi Mizo nunah hian ral mai thei a ni lova, Mizo kan awm chhung chu a awm ve reng ang a, kan tunlai mite nunah pawh hian a intuh nghet viau. Mahse hmanlai hun angin hman chhuahna hun leh tihlanna hun erawh a danglam mai zawk a ni. Chuvangchuan, inzirtir thar leh a infuih thar leh hi kan ngai fo thin.

Thiamna a san poh leh zonun zemawi hi kan chawisan thiam ve zel a ngai a, hnamdang karah pawh ni se zonun ze mawi hi a hnawksak lova, hnam anga min chawimawitu leh zahawmna min petu a ni zawk tih hi kan hriat thar a pawimawh hle. Kan hun tawn mek leh Mizo hnam nun pela nun hmang kan thahnem telh telh avang hian zonun ze mawi lanchhuah kawngah harsatna a awm phah niin a lang.

Zonun ze mawi chawisan hi kan tih makmawh a ni a, chuta pawimawh ber chu chhungkua atanga inzirtir a ni. Chhungkua hi zirna in hmasaber tia sawi thin a ni a, chuvangchuan chhungkua a inzirtir hi a pawimawh hmasa ber a ni. Zawlbuk thlaktu hiala sawi thin Zirna In pawimawhzia te bakah Kohhran pawimawh zia te pawh sawi hmaih chi a ni hauh lo ang. Chhungkua, leh zirna in te hi kan tanrual phawt chuan khawtlang nun nuam tak hi kan la chhawmnung reng thei ngei ang. Ngaihsan tur dik te, chawimawi tlak te chawimawi kawngah te tan kan lak thar deuh deuh a ngai a, keimahni chauh nilo, kan tu leh fate tana chenna tlak Zoram nuam siam tur hian Zonun ze mawi hi kan chhawmnun a kan inzirtir thar zel a ngai a ni.



KHAWTHLIR

ZÂWLBUK

Tun tumah chuan hmanlai mizo te nuna pawimawh em em mai, an khawtlang nun siam thatna leh an sikul hmasa ber ti ila kan sawi sual awm lo ve, zâwlbuk chanchin kan chhui zau leh dawn a ni. Zâwlbuk hi khaw tinah awm in tlangval ho zawng zawng riah khawmna leh val upa, putar thlenga an lawi luhna ber a ni a. Khawtlang tana a pawimawhna leh a nihphung sawi zâu in tum dawn teh ang.

Zâwlbuk hian a khaw mil tawh leh tlangval zawng zawng riah khawmna a nih ang ngeia lian leh mil tawkin an sa thin a, a sakna ah hian khawtlang hûapa thawk in athawk ve lo te chu an run thin a ni. A khaw hmeh lanna pakhat a nih avângin an theih tawka lian leh tha in an sa thin. A sir lam hi chu in pangngai nen a sak dan a danglam teh chiam lova, a thlang lam ah hian bázhar an siam a. A luhka lam ah hian achung atâng in a lut tur kun luh ngai tur tawh vel hian bang an ping thla a, bawhbel dah leh in chu chu an luhna a ni. Bawhbel len leh len loh hian a khaw len zawng a hril thin avângin an theih ang tawka lian thing hmangin, tlangval rualin an zawn hawng thin. Pa pawm tia leh a aia lian thlengin an hmang thin a, zawlbuk lut tur tan bawhbel hi kan zawh anih loh avângin bawh luh a ngai. Zawlbuk lai tak ah hian mei chhemna tur in lei an chhung thin a, a hual vel chuan tlangval ho an mu ta thin a ni.

Zâwlbukah hian tlangval zawng zawng leh nupui nei hlim an riak thin a, pa valai leh upa lam thlengin zâwlbuk ah hian lawi lut in an titina hmun ber a ni. Val upa te'n tlangval te fuihna thu tha tak tak sawiin kum la tam lo tan phei chuan a bengvar thlakin, thu tha hrilh tu nei lo tan lek phei chuan a tangkai leh zual. Tlangval thunun ngai leh zilh ngai zilhin, hrem hial an tawhna hmun a ni a, sikul la nei hek lo le khawtlang zima hmun leh inkaihhraina ber a ni. Ramchhuah pawh an relna hmun ber a ni. Zâwlbuk titi chu Lal leh Upa te pawn an ngai pawimawh in an hnial zen ngai lo. Zâwlbukah hian an hmanrua nen an lawi lut thin a, ral beih leh sahrang beih nikhua ah pawh a awlsam phah hle a ni. Tlangval ho riah khawmna a nih avâng hian ral beih nikhua pawn an beih hmasak a ni zel. Zâwlbuk an thunun theih tawh chuan a khua an hneh tihna a nih ber chu.

Zawlbukah hian râwlthar ten ka riak lut thei tawh e an tih chuan, val upa te'n an vaihlo kuang teh sak in, vaibel dawn a zem theih chuan a riak ve thei tawh thin. Zawlbuk kai tir an awm hian an tlangnel nan leh an mahni enchhin nan inbuan in an lo infiam tir thin a, a chak ber chu an chhinchhiah in an en bik deuh zel. Mikhual pawh thlenin nei mahse zâwlbukah vek an riah avângin, an lo infiam puiin an lo buan a, an tlangnel phah sawt mai zel a ni. Val upa leh Pasaltha te an zah thiam in an thu hla an ngaichang a, mutnaah lah a tha ber leh nuam ber lai meilum chhim phain an mut tir thin. Khawtlang nun inkaihhraina hmun ber a ni kan tih tawh

kha. Zâwlbukah hian an inrel bawl dan te, an kalphung inhrilh hriat leh nun dan an inzirtirna ber a ni.

Hmanlai hunah khan mei eng kha an eng neihchhun kha a ni mai a, Zâwlbukah pawh mei an tuah reng thin avâng khan thing lah a hek viau mai. An thingtuah tur lak khawm kha rawlthar te hna a ni ve thung a, nitin thing fawmin a keuh ziah thin. A keuh lo awl ruk tum an man chuan vawi hnih fawm tirin an vâwi a, an zilh hau a hrem hial an tawh thin. He thil hi rawlthar rual te nun kaihhraina pawimawh ber a ni kan ti thei awm e. Thingnawi keuh lain sa hranga an pawm chin a tih hlum chuan a chawimawi na a ni ber ang chu thingnawi fawm an awl tir hmak zel. thiante nena inti buai emaw rethei leh dinhmun chhe zawk te hmusit an awm chuan tlangval ho in an zilh hau a, hrem ngai an hrem a an thununna hmun ber a ni bawh. Thingthunung indah hlat siakah rawlthar rual te an in el fo a, a dah hla ber ngam chu val upa leh pasaltha ten chhinchhiah kar in an en zui zel.

He thil hi hmanlai a pasaltha leh mi huaisente an pawimawh zia an hriat avânga, huaisen leh tlawmngaih mai bakah aia upate zah an inzirtir na a ni pah fawm. Sawi hmaih hauh loh tur chu zâwlbukah hian hmeichhia an lawi lut ngai lo va, eng emaw a zâwlbuka lawi lut koh a ngaih pawn mipa naupang an tir mai zel. Lal leh upate hi a nazawng in an chuangkai ngai lo va, an mi ûap a nat vâng a ni pakhat. Tlangau chu Zâwlbuka thu thlen turin an tir mai zel. An lawiluh tum erawh chuan an ngaihsakin, thutna lo kian in a vawt a tih hlauvin mei an chhawm sawk sawk thin.

Rik rum thilah mawlh hian a ni Zawlbuk tangkai leh zual na chu, tlangval zawng zawng an riah khawm avângin tanpui ngai an awm leh ral beih an tawh nikhua in a huhova chet a awlsam a, in zawn buai chiam a ngai ta lo. Kan pi leh pu te mawl mang in changkang lo viau angin lang mahse kan pha teuh lo in ka hria. Mipa naupang atânga tlangval thlengin zâwlbuk atângin an thunun hneh hle a, mi baka nunchang tha lo sawi tur an vâng viau. Val upa te'n zah an kaiin an khawtlang nun an kaihruai tha hle.

Zonun ze mawi ti-a kan saw thin tlawmngaihna te, aia upa zah leh huaisen na te bakah taimak thlengin an inkaihhruai that zia a hmuh theih nachhan chu, kan pipute hunah khan thatchhia leh aia upa zâhna tla chham sawi tur an awm meuh lo. Huaisen kawngah lah in êl in rualkhum an tum tlat a, khawtlang nun mawi taka a lanna chhan leh tûn thlenga zonun zemawi kan tihna chhan bulpui ber chu he 'ZÂWLBUK' hi a ni kan ti thei ang.

Aw le, thiam lo tak chungin kan mizo nunphung leh sulhnu te theih ang tawkin kan chhui a, kan ngaihhlut dan a zirin a dang zel pawh chhunzawm turah ngai ta ila. Thiam avânga thai lang ka ni lo a, a hre zawk te'n in lo sawi belh tur inhriat chuan in lo sawi ve leh mai turah ngai ila, a tha awm mang e.



ZIN & HAW

■ Er. Lalawmpuia Zote s/o Lalpekliaana, V-Sec. te chhungkua chu a pi leh pu te lungphun hmang turin a hnathawhna hmun Bangaluru atangin an lo haw.

■ Pu Richard Lalsangzela te nupa, C-Sec. chu an hna thawhna Khawzawl lamah an kal leh ta.

■ Pu Robert Lalremruata, V-Sec. te chhungkua New Delhi-a hun eng emawchen inenkawla awm chu an lo haw leh ta.

■ Pu H. Vanlalhruiate nupa N-Sec. chhungkaw thila Pangbalkawn zin chu an lo haw leh ta.

■ Pi C. Thanghmingliani, Pu K. Malsawma, Pu Lalhnehzova, Pu C. Vanlalsawma, Pi Biakzami, Pi Lalthlamuani, Pi Lalmachhuani leh Zothanzama, te chhiat tawhna vanga Pukpuia kal chu an lo haw leh ta.

■ Pu Vanlalruata V-Sec. Delhi-a in check up a kal chu dam takin alo haw leh ta

■ Er. VL Nghinglova V-Sec. leh Er. Zosangliana Zote, T-Sec. te chu rawngbawlna thilah Guwahati-ah an zin.

■ Pu Benjamin Lalbiakmuana C-Sec. chu hna thilah Kolkata-ah a zin.

■ Dr. G. Lalthianghlina C-Sec. chu CMC, Vellore-ah inenkawlin a awm mek. A nupui Dr. Rohlupui leh a nu Pi Nuzawni ten an hrui.

■ Pu C. John Saiparlina, T-Sec. chu rawngbawlna thilah Bungzungah a zin.

■ Pu H. Laldawngkima, C-Sec. chu chhungkaw thilah Sihfaah a zin.

■ Pu Lalnunmawia, C-Sec. chu a hnathawhna hmun Champhai atangin hna thil ah a rawn haw.



KOHHRAN

■ **Salvation Army:** 27th Territorial SAY Congress ni 3-5 October chhunga Darlawn-a neih mek ah Ramhlun Corps SAY member 35 leh Bandsmen 22 an kal.



THILDANG

■ **Insawn:** Pu Jerome Lalbiakdika, kan OB hlui chu a hna thawhna hmun Mamit atangin Kolasibah sawn a ni.

■ **Hnatlang:** Ni 4/10/2025 zing kar khan **Basic Mualmawng Welfare** te kawngkam hnim sam fai leh vengchung tifaiin an hnatlang.

■ **Ruangchhuak:** Vanlalngena, K-68 chu ni 1.10.2025 dar 12:36 am khan Civil Hospital, Aizawlah a boral a, a nau Pi Rodingliani, T-Sec. ten a ruang hi la in, a ruang hi damdawi in atangin an khua Ngurpanpui nghal a ni.

LEI PIAH LAMAH



Zaluti, K-87

w/o K. Thanzuala, K-Sec. chu ni 28.9.2025, zing dar 9:10 khan a boral a, hemi ni vek tlai lam dar 3:30 khan Ramhlun North Thlanmual, Zemabawkah vuiliam a ni.



Vanlalngbaka Zote,

K-71 T-Sec. chu ni 03.10.2025, zan dar 7:12 khan a boral a, a tuk ni 04.10.2025 chhun dar 12:00 khan Ramhlun North Thlanmual, Zemabawkah vuiliam a ni.



Pu Nghaka hi MUP Ramhlun North Unit President ni lai mek a ni.

Lusun khawhar chhungte thlamuantu Pathianin vengin awmpui mawlh rawh se.



DAMLO

■ Tv. Zothanthankhuma, kan Cir. Manager chu Redeem Hospital-ah enkawl mek a ni.

■ Pi Lalremruati w/o Pu Ch. Lalnunkima K-Sec. chu Aizawl Hospital-ah kal (Kidney) a lungte awm zai a ni.

■ Lalhruiatluanga Hnamte s/o Benjamin Lalbiakmuana, C-Sec. chu LRM Hospital atangin a lo chhuak.

■ Nl. Ruthi Lalduhawmi d/o R. Lalmuanawma, S-Sec. Synod Hospital, Durtlanga awm chu a lo chhuak.

■ Pu PB Lalawmpuia T-Sec. chu kawng herh avangin in lamah a inenkawl mek.

■ Pu James Lalhmingliana, N-Sec. heart attack avanga Ebenezer hospital awm chu in lama enkawl chhunzawm turin a lo chhuak.

■ Pi Thangrikhumi w/o Pu Lachawimawia (L), C-Sec. chu zunkawnga hnai awm avangin in lamah enkawl mek a ni.

■ Malsawmdawngliana s/o Tlanliana, V-Sec. chu Nazareth Hospital, Chaltlangah enkawl mek a ni.

■ Rev. Sanghnuna V-Sec. chu City Hospital, ICU-ah enkawl mek a ni

■ Pu PB Lalramthanga, T-Sec. chu Greenwood Hospital-ah enkawl mek a ni.

■ Pi Lalremthangi w/o C. Rothuma, T-Sec. Civil Hospital, Aizawl a Thyroid zai chu in lam a in enkawl chhunzawm turin a lo chhuak.

■ Pu Vanrotluanga, C-Sec. chu fistula vangin in lamah a inenkawl mek.

■ Pu Ramchhana, K-Sec. chu Nazareth Hospital-ah enkawl mek a ni.

■ Pi Lalengmawii w/o R. Dama, S-Sec. chu natna hrang hrang avangin in lamah enkawl mek a ni.

■ Pu Nghilhlingthanga, T-Sec. chu Kal (Kidney) tha lo vangin in lamah enkawl mek a ni.



LAWMAWM

■ David Lalzarliana s/o Rokhawmliana, K-Sec. leh Lalrinawmi, Edentharte chu October ni 2, 2025 (Ningani) khan Ramhlun East Kohhran Biak inah an innei.

■ Henry Lalhruiate Fanai, T-Sec. leh Dorothy Lalfakzuali, Bethlehem Vengthlang te chu 02.10.2025 (Ningani) khan Ramhlun North Kohhran Biak inah an innei

■ Pu Lalhriatpuia, ECM, chuan Mizorama Civil Services Sports Meet 2025 neih zawh takah Men's singles open carrom-ah Silver Medal a dawng a, gold medal dawng team-ah a tel baw.



LOCAL COUNCIL

■ 1) Ui chhuak engemaw zat man a ni tawh chungin Ui leh Ar chhuak hmuh tur a la awm leh thin a, ran vulhtute fimkhur lehzuat turin kan inchah nawn leh a, Ui Number awrh lo phei chu aneitu zawng chhuak buai lova a bo hlen anih pawhin engmah sawi buai theih a ni lovang.

2) Eirawngbawlna Gas duh angin kan dawng tha thei lova, Local Council leh Consumer lama kan hruiatuten theih tawp chhuahin Gas Agent lamte Office-ah lenchil in an titi pui tawh a, kawng chhiat avanga harsatna taw an nih avangte a sem chak thei lo an nih avangin lo hrethiam hram turin min ngen a ni.

Vengchhungah Gas sem chhawng duh kan awm chuan Agent te hnenah ngaihven theih a ni e.

HRIATTIRNA

Pu Ralliana R/o Ramhlun North Aizawl chu Dt. 11.08. 2013 ah a lo boral tak avangin a hminga LSC awm LSC No 103204/01/605 of 2009 Location: Ramhlun Vengthar chu a fapa Lalmuankima R/o Ramhlun North Aizawl chuan a rochun theih nan Court ah Heirship a rawn dil a. Hemi chungchanga sawi buai duh neih chuan chanchinbu a chhuah ni atanga ni 30 (Sawmthum) chhungin sawi buai tur a ni a, sawi buaina a awm lo a nih chuan a dil ang hian pek a ni ang.

Sd/- HT. LALMAWIZUALA
CIVIL JUDGE (Junior Division) -3
Aizawl, District, Mizoram

Presbyterian English School (PES)

Presbyterian English School (PES), Ramhlun North Aizawl chuan kum thar 2026-27 session atan KG-1 Admission, November 2025 chhungin a hawng dawn a, lut duhte chuan dilna form siamsa hmingin ni 1-31.10.2025 chhung dil theih a ni a, form hi School office-ah office hun chhungin lak theih a ni ang. Dt. 5 & 6 November 2025-ah interview neih a ni ang. Admission dil tu chu April 2026-ah kum 4 a tling ngei tur a ni.

DLIGHT90
24x7 Discount
Unit of MSR Business

Engkim DISCOUNT reng na hmun!

DLIGHT90- 24x7 Discount, brand lar leh tha zawrhna - choka bungrua, electronics (TV, Speaker, Earphone etc), Electric Bungrua, Hardware Tools, Sports, Toys etc, engtik lai pawha DISCOUNT na, min rawn dawr ve rawh le.

Add: MSR Market,
Zarkawt, PWD Tlang
Ph: 6009316424

Add: Dawrpui Vengthar,
Near Aizawl West College
Ph: 9863750966

Add: J Thankima Estate
Bawngkawn, Opp Vishal Mart
Ph: 9366525778

MARYMA

PHEK 4-NA

RN YMA CHANCHINBU

ARTICLE

MARYMA A LO THLENG

-C. Lalrammawia, Ex-Editor

Khawvelin Information Technology-ah nasa taka hma a sawn avângin ram hla tak kara awmte pawh awm hmuna titi ang maiin kan thu leh hla kan inthawn a, Mobile phone-ah kan hmet zeuh zeuh a, pawisa pawh awlsam takin kan thawn thei ta. Khawvel lehlama thil thleng, a thlen rual rualin kan hmu thei a, khawvel hi kan hum a ni ta ringawt mai.

Heng hmasawnna avânga hmangtu an tlem tak avângin India Post, Government of India chuan Registered Post service an pek thin chu September ni 1, 2025 khan a ti tawp ta a, Speed Post kan tih thin kha hmang tangkai zawkin kan thil thawn chak leh him zawka a thlen theih nan hman zui turin a ruahman ta a ni.

Heng hmasawnna han hmuh hian tun hmaa Ramhlun North YMA Chanchinbu MARYMA an lo buaipui dan te min hriat chhuah tir a. Kum 20 liamta ah khan India mawng tawp lamah lehkhah zira kan awm ve lain, kan University bula Post Office atângin kan Department landline phone a rawn rik rang rang a, 'I lehkhah tur a lo thleng' an rawn tih hi chuan phur em emin ka 'Bawnghnute sem Thirsakawr' -in ka va inkhalh phei nghal a, rin lawk ang ngei ngeiin 'MARYMA' a sira Postage Stamp bel, a laia stapler pin-a chilh beh ngei kha a lo ni a. Pu Bch-a tlangval laia a Love Letter dawn anga rimtui ve veng veng lovin, khawh her rim nam deuh vung vung mah se, a tuina pawh laklawh tawh an sawi ang maiin hnarah a rim a cham vang vang mai a, India ram khaw hrang hrang, hnam hrang hrang rawn paltlang a, ka iptea him leh dam taka a rawn thleng chu, hmanhmawh thlak miah lovah hmanhmawh siin ka Thirsakawr ke lian pui, pen hlawk tak chuan kan Deptt. ka inkhalh thleng vat dawn tih hre reng chungin, haw pahin ka iptea MARYMA thleh chu a zuk melh leh zauh zauh thin. Kan Deptt. ka thlen a, ka dawhkana nui vur vura ka chhiar thin chu ka hnam dang thiante chuan min lo hre Chiang khawp mai. 'Mawia, enga tingeh kha lehkhah i chhiar khan i nuih vur vur zel a' min ti a. MARYMA chu kan veng chanchinbu (Local Newsletter) a nih thu te, kan vengchhunga thil thleng, a chhia/a tha, fiamthu thlenga chhuah a nih thu te ka hrilh a.

Chuti taka ka hlut chu an han chhiar a, kan tawng ziahna atana Roman alphabet kan hmangete chu mak an ti a, mak an tih lehzual chu kar tin chhuak Ramhlun North YMA chanchinbu MARYMA hi Tlawmngaihna avânga India ram mawng a rawn thleng kha a ni.

Tûn hnua ka'n ngaihtuah pawh hian khaw hrang hrang, State hrang hrangah MARYMA an lo chhiar theihna tura tha thawhtute kha an lo va fakawm em! ka ti thin. Kha'n hunlai khan Mobile phone-a news item inthawn zung zung a la ni ve lo a, veng chhungah kal kualin lehkhah zia kin lakkhawm a nih hnua Editor leh Joint Editor-te'n an han puahkhawm a. An zo fel ta maw? tih ah Manager-in tlai hlau em em-in Press-ah a tlanpui nghal a. Her zawh a ni vele Press atânga la chhuakin Manager hovin Assistant Manager te'n MARYMA Agent-te sem zat tur angin an han chhiar a, an chhep hrang a, a changtu Agent-te hming an han zia kalh baw k a. Chumi zawhah MARYMA Agent, nula leh tlangval, tleirawlte rawn fuankhawmin an sem tur an rawn la a, a changin Asst. Manager te'n MARYMA agent-te an sem tur an pe kual baw k. Tichuan, MARYMA Agent-te lo sem in kan in lum a rawn thleng ta a ni.

MARYMA buaipuitute hian chhuah tur a tlem leh an pawt fan a, a tam lutuk leh an hnawh tawm a. News chhuah turin phek a awm mawi zo dawn lova an hriat chuan chawpchilhin tlai lama news an han zawn chawp chang lah a tam, heng hunah hian Editor-te hian Section tin-a damlo nghet deuhte hi an lo mitthla nghal zut zut thin ninawm tak a ni. 'Mihring kan thuhmun fo thei lo' tih ang deuhin a mi thenkhatin 'Enga tingeh min chhuah' an ti a, thenkhatin 'Min chhuah ve ngai lo' an lo ti baw k a. Phek li zet dik taka chhut awm karah dik lo zeuh awmte hi a lo fiah bik em em thin baw k nen. MARYMA chhiar hmasa lo chuan Chawlhni tukthuan ei tui lo an awm lain, thenkhat kan vengchhung chanchin hre tura MARYMA chhiar ngai reng reng lo an lo awm ve baw k a. Engpawh chu nise, MARYMA thumal tinah hian Tlawmngaihna a inzep a, Tlawmngaihna thlifimin kâr tin kan Inah, kan mobile phone-ah te a rawn len darh thin a ni. Chhungkua leh mimal thil tul kalsana Ramhlun North mipui tana MARYMA enkawltute an fakawm tak zet a. Kan vengchhung mai ni lo, India ram hmun hrang hrang leh, India ram pawn thlenga hman dangin 'Tlawmngaihna' an mita an hmuh theih thlentute in ni e. *MARYMA vul zel rawh se.*

ADVERTISEMENT

KC TUI

(10-1)

Tui thianghlim tak PHE a quality test thlap, PickUp-in 2,000 litre kan pe thei reng e. Ramhlun North veng chung tan discount kan pe e.
Ph: 7005010327 / 9774223462

SAWMA SEPTIC TANK SERVICE

Septic Tank khat paih fai, commode block, pipe fit, soak pit thar siam engkim kan ti thei e.
Rate: Inbiakremna Ph: 8119969364 (10-9)

JM SEPTIC TANK SERVICE

Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sulhnu a fel fai a, service hlun leh rintlak kan ni e.
Rate inbiak remna. Registration: MRS 542
Contact: 9862476439 / 9436199884 (10-9)

KHIANGTE SEPTIC TANK SERVICE

Septic Tank khat paihfai, Comode Block, Soak pit, Pipe Fitting, Repair engkim, khur chhung lutin, a neitu te lungawi na thlap in kan thawk thei e
Contact - 9862344971 Bawngkawn South (20-19)

L.H SEPTIC TANK SERVICE

Septic tank paihfai leh repairing engkim kan thawk thei e. Kum 17 chuang experience nei kan ni e.
Rate:4500 per trip
Ph.6909183193 (30-18)

SEPTIC TANK KHAT & REPAIR

Septic tank khat paih leh repair kan ti thei reng a, rate chu inbiakremna a ni ang. (5-1)
Contact: 6033373188/9612376373 | C/o Marina: 9436140350

LABORATORY PERMANENT REGISTRATION CHUNGCHANG

Genesis Laboratory, Ramhlun North, hian vengchhung leh khawtlang tan harsatna leh hnawmhnawk an siam ni a kan hriat chuan, CMO Aizawl West Office, CEA Section-ah ni 30 chhungin (Office Hour)-ah complaint zia k a thehluh theih a ni. Sawiselna nei kan awm lo a nih chuan CEA Permanent Registration pek an ni ang.

EMMANUEL

PRINTING CENTER

SIGNBOARD

3D, 2D, Vinyl / Reflector, Flex

BANNER

Flex, Vinyl & Foamboard

Acrylic Memento & Sticker, etc

(Vengchhung mi ngei min rawn pan ve rawh se.

Call & Whatsapp : 9774586640

Basic Mual, H.No D-119

GOV'T. APPROVED INSTITUTION

MERGE

COMPUTER

CENTRE

NEW COURSE OFFERED:

Stenography (Gregg)

OTHER COURSES :

DCA Semester I

DCA Semester II

Computer Hardware

Free Admission

Free Access Website content

Free Basic Typing Course

Provide Theory Video Tutorial

Scholarship for DCA II and Stenography

Examination & Certificate issued by MSCTE, Govt. of Mizoram

CALL OR WHATSAPP

9862358347

More details & Online admission:

https://www.mergecomputercentre.org

ADDRESS:

Near Chanmari YMA Hall, Chanmari, Aizawl.

Published & edited by Eddie Lalfakzuala for and on behalf of Ramhlun North Branch YMA. Copies- 1,270